

**UNIVERZITET U SARAJEVU
FAKULTET POLITIČKIH NAUKA**

**POSLOVNIK O RADU
KOMISIJE ZA IZBOR AKADEMSKOG OSOBLJA**

Sarajevo, oktobar 2024. godine

Na osnovu čl. 121. do 127. Zakona o visokom obrazovanju („Službene novine Kantona Sarajevo“ broj 36/22), čl. 233. do 237. i čl. 255. do 257. Statuta Univerziteta u Sarajevu, po osnovu Javnog konkursa za izbor u zvanje vanrednog profesora na Univerzitetu u Sarajevu – Fakultet političkih nauka (naučna oblast Sociologija, 1 izvršilac (radni odnos na određeno vrijeme (6 godina) sa punim radnim vremenom)), raspisanog 27.09.2024. godine i Odluke Vijeća Univerziteta u Sarajevu-Fakulteta političkih nauka o utvrđivanju adekvatnosti naučne oblasti broj 02-1-1669-(1)/24 i Odluke Vijeća Fakulteta političkih nauka o imenovanju Komisije za pripremanje prijedloga za izbor u zvanje-vanredan profesor, sa punim radnim vremenom, na naučnu oblast Sociologija, broj 02-1-1669-2/24 od 15.10.2024. godine, Komisija na konstituirajućoj sjednici održanoj 22.10.2024. godine donosi

I – OPĆE ODREDBE

Član 1.

(Predmet Poslovnika)

Ovim poslovníkom se bliže uređuju obaveze, način rada i odlučivanja, kao i druga pitanja od značaja za rad Komisije za pripremanje prijedloga za izbor u akademsko zvanje (u daljem tekstu: Komisija): izbor nastavnika u zvanju vanredan profesor, određeno vrijeme sa punim radnim vremenom, naučna oblast Sociologija, na Univerzitetu u Sarajevu – Fakultetu političkih nauka (u daljem tekstu: Fakultet), 1 izvršilac na određeno vrijeme sa punim radnim vremenom.

Član 2.

(Načela)

Rad Komisije se zasniva na načelima nezavisnosti, nepristrasnosti, transparentnosti i zakonitosti.

Član 3.

(Propisi)

Komisija provodi proceduru izbora u akademsko zvanje u skladu sa Zakonom o visokom obrazovanju Kantona Sarajevo, Statutom Univerziteta u Sarajevu, Javnim konkursom za izbor akademskog osoblja u naučnonastavno zvanje na Univerzitetu u Sarajevu – Fakultetu političkih nauka, na naučnu oblast Sociologija, 1 nastavnik u zvanju vanrednog profesora, na određeno vrijeme sa punim radnim vremenom, raspisanom 27.09.2024. godine i Odlukom Vijeća Fakulteta političkih o imenovanju članova Komisije, broj: broj 02-1-1669-2/24 od 15.10.2024. godine

II – ULOGA STRUČNE SLUŽBE

Član 4.

(Uloga stručne službe)

- (1) Nakon usvajanja Odluke o imenovanju članova Komisije za pripremanje prijedloga za izbor akademskog osoblja na sjednici Vijeća Fakulteta održanoj 15.10.2024. godine, stručna služba – Služba za pravne, kadrovske i administrativne poslove Fakulteta/Sekretar (u daljem tekstu: Služba) – članovima Komisije dostavlja Potvrdu o blagovremenosti pristiglih prijavi na Javni konkurs za izbor akademskog osoblja u naučnonastavno zvanje na Univerzitetu u Sarajevu – Fakultetu političkih nauka, na naučnu oblast Sociologija, 1 nastavnik u zvanju vanredan profesor, određeno vrijeme sa punim radnim vremenom (u daljem tekstu: Konkurs), zajedno sa kompletnom konkursnom dokumentacijom, te naznakom broja prijavljenih kandidata sa naznakom zvanja za koja su se kandidati prijavili.

- (2) Uposlenik Službe prisustvuje konstituirajućoj sjednici Komisije i otvaranju pristiglih prijava, te konstatira njihovu potpunost (urednost) u skladu sa Konkursom, o čemu Služba izdaje odgovarajuću potvrdu koja čini sastavni dio izvještaja Komisije.

III – OBAVEZE I NAČIN RADA I ODLUČIVANJA KOMISIJE

Član 5.

(Obaveze Komisije)

(1) Komisija je obavezna da po primitku pristiglih prijava i prateće dokumentacije:

- a) pregleda sve pristigle prijave i dostavljene dokaze o ispunjavanju uslova za izbor u naučnonastavno zvanje;
- b) utvrdi ispravnost pristiglih prijava i dostavljenih dokaza;
- c) napiše izvještaj sa prijedlogom za izbor u naučnonastavno zvanje, u zakonskom roku.

(2) O daljnjem procesu izbora, kandidatkinje i kandidati se mogu obavijestiti putem web stranice, pismeno, usmeno, elektronski ili putem telefona.

(3) Komisija je obavezna izvještaj sa prijedlogom za izbor u naučnonastavno zvanje dostaviti Vijeću Fakulteta putem Protokola Fakulteta u skladu sa Zakonom o visokom obrazovanju i Statutom Univerziteta u Sarajevu, u roku od 30 dana od dana imenovanja Komisije.

Član 6.

(Odlučivanje Komisije)

(1) Komisija donosi odluku većinom glasova.

(2) Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na donesenu odluku.

Član 7.

(Mjesto zasjedanja Komisije)

Mjesto zasjedanja Komisije je u prostorijama Fakulteta, na adresi Skenderija br. 72, Sarajevo.

Član 8.

(Način rada Komisije)

(1) Komisija je u svom radu nezavisna.

(2) Komisija zasjeda u punom sastavu prilikom provođenja konkursne procedure – otvaranja prijava, pregleda i razmatranja dokumentacije.

Član 9.

(Zapisnik)

(1) O toku konstituirajuće sjednice Komisije vodi se zapisnik od strane člana Komisije.

(2) Zapisnik sadrži datum, mjesto i vrijeme održavanja sjednice, sažet opis toka sjednice, konstatacije, zaključke, prijedlog odluke Komisije, te imena i potpise prisutnih.

IV – PRIJELAZNE I ZAVRŠNE ODREDBE

Član 10.

(Izmjene i dopune Poslovnika)




Izmjene i dopune ovog poslovnika vrše se na način i u postupku propisanom za njegovo donošenje.

Član 11.

((Stupanje na snagu Poslovnika))

Ovaj poslovnik stupa na snagu danom donošenja i objavljuje se na web stranici Univerziteta u Sarajevu – Fakulteta političkih nauka u roku od dva (2) radna dana od dana donošenja.

KOMISIJA

1. prof.dr.Šaćir Filandra, redovan profesor, naučna oblast socioloških nauka, predsjednik 
2. prof.dr. Nijaz Musabegović, profesor emeritus , naučna oblast socioloških nauka, član 
3. prof.dr.Amila Ždralović, vanredna profesorica, naučna oblast pravo i društvo, članica 

Broj: 03-1- 1719 /24
Sarajevo, 22.10.2024. godine